



Drugostepena presuda uhapšenima u akciji Kastel



Ramo Brkić



Senad Šabić



Satko Kekić

Brkić, Šabić i Kekić osuđeni na 26 godina

Apelaciono vijeće Suda BiH Ramu Brkića, nekadašnjeg komesara MUP-a USK-a, osudilo je jučer na jedinstvenu kaznu od 11 godina robije, dok je Senad Šabić dobio 10, a Satko Kekić pet godina zatvora, zbog organizovanog kriminala, proizvodnje i trgovine drogom, zloupotrebe položaja i korupcije. Pored toga, Brkiću će biti oduzeto 40.000 eura i 15.000 maraka.

Postupak je pokrenut nakon velike akcije Kastel, koju je SIPA provela u decembru 2010. Inspektori su nakon višemjesečne istrage uhapsili 41 osobu, među kojima su policijski funkcioneri i ljudi iz političkog života USK-a.

Prema presudi, Brkić je nakon imenovanja na mjesto komesara MUP-a USK-a stupio u kontakt sa Šabićem, Kekićem Nedžadom Kurtovićem i Zijadom Muratovićem dogovorivši se s njima da će im pomoći da neometano uzgajaju i trguju skankom. Brkić je osu-

đen jer je primio 15.000 KM, zbog čega je suspendovao policajce Jasmina Aldžića, Asima Bašića, Edina Isakovića i Samira Hušidića, koje je Šabić prijavio zbog nezakonitog pretresa, iako je znao da su pred Općinskim sudom u Velikoj Kladuši oslobođeni odgovornosti. Prema riječima predsjedavajućeg Apelacionog vijeća sudija Redžiba Begića, Sud nije prihvatio dokaze Tužilaštva koji se odnose na vještačenje zaplijenjenog skanka, ali je Vijeće, polazeći od slobodne procjene dokaza, ocijenilo da su Brkić, Šabić i ostali počinili krivično djelo, iako je odbrana tvrdila da na sudu nije utvrđeno prisustvo psihoaktivne materije u drogi, te da bez toga nema krivičnog djela.

Vijeće je poklonilo vjeru iskazima pojedinih svjedoka Nedžada Kurtovića, Envera Okanovića iako je te iskaze odbrana osporavala, tvrdeći da se radi o osveti Rami Brkiću i ostalima. **D. P.**